



Avant blers onns, a l'entschatta da la civilisaziun, funcziunavan quell'as maschin'as anc senza current electric.

FOTO Y. BÜRKL

## Ina èra va a fin

DAD ANDREA LUZIUS RASSEL

■ **En ils dis d'aur avant l'existenza dals computers persunals avain nus emprendi da scriver sin maschin'as da scriver – in num d'embarass forza – mo igl era il temp mechanic e pia dev'ì maschin'as da scriver.** Avant blers onns, a l'entschatta da la civilisaziun, funcziunavan quell'as maschin'as anc senza current electric. Ins veva da sbassar las tastas fermamain per alzar il bastun per stampar il bustab giavischà sin il palpì traplà enturn la zula. Sche Vus avais main da 30 onns e Vus dumandais ussa: co me che nus avain scrit paginas e paginas en in temp nizzaivel – en mes cas persunal; mai!

Quavitièrs vegneva il problem dals sbagl's. Sche nus faschevan in sbagl' stuevan nus curreger el cun ina sort da magliatinta u da tipex – ina procedura nun-pussavla! Igl era lura schon meglier da na far sbagl's – pia scrivev' jau cun bloccadas lungas tranter mintga bustab. Pli tard vevan nus a chasa ina nova maschina cun l'invenziun fantastica che purtava il num englais dad «easy erase». La tasta da correctura; ella nun ha purtà bler a mia abi-

lità da scriver pli spert, però ha quella tasta gidà a surmuntar mia tema da far sbagl's.

Il proxim pass era ina maschina electrica cun in display d'ina lingia da memoria. Ins scriveva pia quella lingia, sbassava la tasta «enter» e tut la lingia vegniva scritta en in tempo fascinant en ina giada. Quella bella maschina avevan nus mo paucs onns avant che nus avain gi l'emprim computer persunal en chasa, mo jau ma ragord anc fitg bain dals tuns che la maschina fascheva cura ch'ella sa metteva en funcziun da stgadanar ils bustabs e plets sin il palpì.

Auters, sco per exempel Jerry Lewis, il star da la cumedia a Hollywood ils onns 60, han sviluppà ina moda e maniera bler pli creativa per s'occupar cun ils tuns omnipreschents da las maschin'as da scriver. Tgi che ha gust da guardar e cunzunt da tadlar ils plunts e plings orchestrads da sia chanzun, il «Typewriter Song», duess puspè ina giada guardar ses film grondius «Who's Minding the Store» u be da guardar la sequenza sin youtube (<https://www.youtube.com/watch?v=EcDQr75GlxI>) Ins vesa ed auda che Jerry Lewis n'era betg mo in actur fitg comic, ma ch'el aveva dentant er in grond enschign musical. Forsa anc pli econuschenta ch'il titel «Typewriter Song» è la sinfonia «The Typewriter» dal cumponist ameri-

can Leroy Anderson. Il tact per tut la sinfonia vegn dà avant d'ina musicista vi da la maschina da scriver. (<https://www.youtube.com/watch?v=G4nX0Xrn-wo>).

Oz avain nus, sper ils computers da desk-top, ils computers lap-top ed ils tablets, ina maschina da scriver a chasa nosa, che ha forsà stgars 100 onns. Ella è naira cun ina fina glischur metalica, greva, pesanta e gronda e sia mecanica funcziuna tip top. Ella funcziuna uschè bain perquai che fin dacurt existiva a Son Gagl ina pitschna stizun da maschin'as da scriver. Uss resta l'esch serrà; il manader da la stizun, *Fritz Steiger*, ha già da finir ses servetsch da pinar maschin'as da scriver. L'um dad 80 onns ha manà la stizun en la Davidstrasse buns 50 onns. Pli baud marschava sia stizun fitg bain, el impiegiava fin a tschintg persunas en sia fatschenta. Gia in pèr onns manava el ussa però persul la stizun, fascheva las reparaturas, encureva tocs da reserva, deva buns cussegls e fascheva tut l'administraziun. Però ils davos dus onns n'ha el betg pli pudì crear avunda entradas per pudair cuvrir las expensas. Uss èsi pia a fin. Tgi sa, da nua che jau vegn a pudair retrair il proxim bindel da color per mia veglia maschina? Alura vegn nosa bella maschina da scriver ad esser nunfuncziunala e mitta: tge donn!